

## ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг ҚАРОРИ

### ТОШКЕНТ МЕТРОПОЛИТЕНИДА ПЕНСИОНЕРЛАРНИ БЕПУЛ ТАШИШ ТҮГРИСИДА

(Ўзбекистон Республикаси қонун хужжатлари тўплами, 2017 й., 10-сон, 149-модда)

Ўзбекистон Р еспубликаси Вазирлар Маҳкамасининг «Тошкент шаҳрини ижтимоий-иктисодий ривожлантириш, аҳоли турмуш даражасини янада яхшилашга доир қўшимча чора-тадбирлар дастури тўғрисида» 2017 йил 23 январдаги 31-сон қарорига мувофиқ, шунингдек кексаларни қўллаб-қувватлаш, уларнинг ҳар бири тўғрисида ғамхўрлик ва эътиборни кучайтириш, кексаларнинг ҳаёт фаолияти ва дам олиш тизимини сифат жиҳатидан янги даражага кўтариш, улар учун шахар йўловчи ташиб транспортидан фойдаланишда қўшимча кулайликлар яратиш мақсадида Вазирлар Маҳкамаси қарор килади:

1. Тошкент шаҳри ҳокимлигининг ва «Ўзбекистон темир йўллари» акциядорлик жамияти «Тошкент метрополитени» унитар корхонасининг пенсионерларни Тошкент метрополитенида 2017 йил 15 марта бошлаб соат 10:00 дан 16:00 гача бепул ташиб, кейинчалик олинмай қоладиган даромадларни ҳар ойда Ўзбекистон Р еспубликаси Давлат бюджети маблағлари ҳисобидан қоплаш тўғрисидаги таклифига розилик берилсин.
2. Кундузи Тошкент метрополитенидан бепул фойдаланадиган пенсионерлар сонини ҳисобга олиш ва «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларни қоплаш тартиби тўғрисидаги Низом йловага мувофиқ тасдиқлансан.
3. Ўзбекистон Р еспубликаси Вазирлар Маҳкамасининг 2012 йил 17 сентябрдаги 273-сон қарори (Ўзбекистон Р еспубликаси ҚТ, 2012 й., 9-сон, 69-модда) билан тасдиқланган Ўзбекистон Республикасида чекланган тарифлар бўйича аҳолига хизматлар кўрсатиш муносабати билан шахарда йўловчиларни мунтазам ташиб билан банд бўлган ташувчилар кўрадиган зарарларни молиялаштириш ва қоплаш тартиби тўғрисидаги Низомнинг 4-бандида:

қўйидаги мазмундаги саккизинчи хатбоши қўшилсин:

Тошкент метрополитенида кундузи соат 10:00 дан 16:00 гача бўлган кундузги даврда пенсионерларни бепул ташибда олинмай қоладиган даромадларни қоплаш;

саккизинчи □ хатбоши тўққизинчи хатбоши деб ҳисоблансан.

4. Мазкур қарорнинг бажарилишини назорат қилиш Ўзбекистон Р еспубликаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири А. АРИПОВ

Тошкент ш.,

2017 йил 9 март,

128-сон

Вазирлар Маҳкамасининг 2017 йил 9 марта 128-сон қарорига  
ИЛОВА

Кундузи Тошкент метрополитенидан бепул фойдаланадиган пенсионерлар сонини ҳисобга олиш ва «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларини қоплаш тартиби тўғрисида

НИЗОМ

1. Ушбу Низом «Ўзбекистон темир йўллари» акциядорлик жамияти «Тошкент метрополитени» унитар корхонаси томонидан соат 10:00 дан 16:00 гача бўлган даврда бепул ташилган пенсиянерлар сонини ҳисобга олиш тартибини белгилайди.
2. Ушбу Низом метрополитен хизматларидан фойдаланувчи пенсиянерларга татбиқ этилади.
3. Ушбу Низомда қўйидаги асосий тушунчалар кўлланилади:

**метрополитен** — электропоездларда йўловчилар ташиш учун ер ости ва ер усти қурилмалари тизими;  
**пенсиянер** — Ўзбекистон Республикаси Молия вазирлиги хузуридаги бюджетдан ташқари Пенсия жамғармаси томонидан берилган пенсия гувоҳномасига эга бўлган йўловчи;

**бир марталик махсус бепул жетон** — пенсиянергага соат 10:00 дан 16:00 гача бўлган даврда метрополитенда бир марта юриш ҳукуқини берадиган, қатъий ҳисобда турадиган ҳужжат.
4. Метрополитенда соат 10:00 дан 16:00 гача бўлган даврда ташилган пенсиянерлар сони реализация қилинган бир марталик махсус бепул жетонлар миқдори бўйича аникланади.
5. Пенсиянер метрополитенда бир марта бепул юриш учун битта жетон олиш учун бир марталик махсус бепул жетонни реализация қиласидаги метрополитен кассаси операторига пенсия гувоҳномасини кўрсатади, бунда бир марталик махсус бепул жетон факат шахсан пенсиянернинг ўзига берилади.
6. Метрополитен ҳар қайси станциясининг кириш жойида соат 10:00 дан 16:00 гача бўлган даврда бепул юриш учун бир марталик махсус бепул жетонларни кабул қилиш бўйича битта махсус турникет ажратилади.
7. Пенсиянер олинган бир марталик махсус бепул жетон билан махсус турникет ёнига боради ва унга бир марталик махсус бепул жетонни ташлайди.
8. Махсус ажратилган турникетда бир марталик махсус бепул жетонлар жамланади ва кун якунида метрополитен станциясининг катта оператори (комиссия раиси), метрополитенлар ҳаракатини ҳисобга олиш секторининг катта оператори ва операторидан иборат таркибдаги комиссия томонидан махсус турникетдаги бир марталик махсус бепул жетонлар чиқариб олинади.
9. Махсус турникетдан бир марталик махсус бепул жетонларни чиқариб олиш натижалари бўйича ҳар куни метрополитенда соат 10:00 дан 16:00 гача бўлган даврда бир марта бепул юриш учун пенсиянерларга бир марталик махсус бепул жетонлар реализация қилинганлиги тўғрисида тегишли далолатнома тузилади ва имзоланади.
10. Ой якупнари бўйича реализация қилинган бир марталик махсус бепул жетонлар тўғрисида ойлик ҳисбот тузилади, кейинчалик у пенсиянерларни соат 10:00 дан 16:00 гача бўлган даврда пенсиянерларни ташишдан олинмай қоладиган даромадларни қоплаш учун Тошкент шаҳри ҳокимлигининг Молия бош бошқармасига тақдим этилади.
11. Тошкент шаҳри ҳокимлигининг Молия бош бошқармаси Тошкент шаҳар Назорат-тафтиш бошқармаси билан биргаликда реализация қилинган бир марталик махсус бепул жетонлар тўғрисидаги ҳисботнинг ишончлилигини тасдиқлади ва кейинчалик пенсиянерларни соат 10:00 дан 16:00 гача бўлган даврда бир марталик махсус бепул жетонлар бўйича ташишдан «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларини ҳар ойда Ўзбекистон Республикаси Вазирлар Маҳкамасининг 2012 йил 17 сентябрдаги 273-сон қарори (Ўзбекистон Республикаси КТ, 2012 й., 9-сон, 69-модда) билан тасдиқланган Ўзбекистон Республикасида чекланган тарифлар бўйича ахолига хизматлар кўрсатиш муносабати билан шаҳарда йўловчиларни мунтазам ташиш билан банд бўлган ташувчилар кўрадиган заарларни молиялаштириш ва қоплаш тартиби тўғрисидаги Низомга мувофиқ қоплаш учун Ўзбекистон Республикаси Молия вазирлигига юборади.
12. Метрополитенда пенсиянерларни соат 10:00 дан 16:00 гача бўлган даврда бепул ташиш ва уларнинг сонини ҳисобга олиш, шунингдек «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларини қоплаш ушбу Низомга.

иловага□мувофиқ схема бўйича амалга оширилади.

Кундузи Тошкент метрополитенидан бепул фойдаланадиган пенсионерлар сонини ҳисобга олиш ва «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларини қоплаш тартиби тўғрисидаги~~низомга~~□

ИЛОВА

Метрополитенда пенсионерларни соат 10:00 дан 16:00 гача бўлган даврда бепул ташиш, уларнинг сонини ҳисобга олиш ва «Ўзбекистон темир йўллари» акциядорлик жамияти «Тошкент метрополитени» унитар корхонасининг олинмай қоладиган даромадларини қоплаш

СХЕМАСИ

